

ՀՀ ԿԱ պետական եկամուտների կոմիտե

Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 5/8

26 ապրիլի 2016 թ.

Քննարկվեց քաղաքացի Հարություն Հովսեփյանի գանգատը ՀՀ ՖՆ իրավաբանական վարչության պետի 22.02.2016թ-ի թիվ 507/02 որոշման դեմ:

Հարություն Հովսեփյանի գանգատում բերված փաստարկները.

2016 փետրվարի 22-ին կայացվել է թիվ 507/ 02 որոշումը հարկ վճարողից ժամանակին չվճարված հարկային պարտավորությունների գծով վճարման ենթակա գումարը գանձելու մասին:

Որոշման բովանդակությունից ակնհայտ է, որ անհատ ձեռնարկատեր Հարություն Հովսեփյանի վերաբերյալ վարչական վարույթի նյութերի քննարկումից պարզվել է, որ 19.02.2016թ. դրությամբ վերջինիս չկատարված հարկային պարտավորությունները սոցիալական ապահովության գծով կազմում է 204.708 ՀՀ դրամ, որն առաջացել է 2005թ-ի հոկտեմբեր ամսից մինչև 2012թ. դեկտեմբեր ամիսը, որի հիման էլ որոշվել է ա/ձ Հարություն Հովսեփյանից գանձել 204.708 դրամ պարտավորության գումար:

Կայացված որոշումն անհիմն է և ենթակա է վերացման հետևյալ պատճառաբանությամբ:

ՀՀ արդարադատության նախարարության իրավաբանական անձանց պետական ռեգիստրի գործակալության պետի կողմից տրված 02.02.2012թ-ի թիվ 3-2/0170-12 տեղեկանքի համաձայն, ըստ պետական միասնական գրանցամատյանում 02.02.2012թ. դրությամբ եղած տեղեկությունների պետական ռեգիստրում առկա է Հարություն Հովսեփյան անհատ ձեռնարկատեր, որի տվյալներն են գրանցման համարը 27801331, գրանցման օրը՝ 19.02.1996թ., վկայականի համարը՝ 01Ա020348, բնակության վայրը՝ Վարդաշեն 12-38, անձնագիր /նախկին/ 5ՍԼ681235, ա13.06. 1989թ-ի «Պետական և հանրային բնակարանային ֆոնդի տներում բնակարաններն որպես անձնական սեփականություն քաղաքացիներին վաճառելու մասին» թիվ 272 որոշմամբ անհատ ձեռնարկատիրոջ գործունեությունը դադարեցնելու /լուծարվելու/ օրը՝ 28.12.2006թ.: Այսինքն, Ա/Ձ Հարություն Հովսեփյանը լուծարվել է և իր գործունեությունն այդ հիմքով դադարեցվել է դեռևս 2006թ. դեկտեմբերի 28-ին:

Վերոգրյալից ելնելով՝ Հարություն Հովսեփյանը խնդրում է 22.02.2016թ-ի թիվ 507/02 որոշումը վերացնել, քանի որ նշված որոշմամբ իր վրա դրվել է ոչ իրավաչափ պարտավորություն:

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովի եզրակացությունը.

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովը (այսուհետ նաև Հանձնաժողով), ուսումնասիրելով սույն գործին առնչվող նյութերն ու ապացույցները եկավ հետևյալ եզրակացության:

Քննարկման ընթացքում նշվեց, որ ՀՀ ՖՆ իրավաբանական վարչության պետը, քննարկելով Ա/Ձ Հարություն Հովսեփյանի վերաբերյալ վարչական վարույթի նյութերը պարզել է, որ 19.02.2016թ-ի դրությամբ սոցիալական ապահովության վճարի գծով նրա պարտավորությունները կազմում են 204.708 դրամ, որից ապառք 136.292 դրամ, տույժ

68.416 դրամ, որն առաջացել է 2005թ-ի հոկտեմբերից մինչև 2012թ-ի դեկտեմբեր ամիսը ներառյալ նվազագույն սոցիալական վճարի գումարները մասնակի վճարելու հետևանքով:

Արդյունքում, ղեկավարվելով «Հարկերի մասին» ՀՀ օրենքի 29.1 հոդվածի և «Վարչարարության հիմունքների և վարչական վարույթի մասին» ՀՀ օրենքի 55-րդ, 56-րդ, 58-րդ, 88-րդ հոդվածների դրույթներով ՀՀ ՖՆ իրավաբանական վարչության պետի կողմից 22.02.2016թ-ին ընդունվել է թիվ 507/02 որոշումը (այսուհետ նաև Որոշում) Ա/Ձ Հարություն Հովսեփյանից 204.708 դրամ պարտավորության գումար գանձելու մասին:

Քննարկման ընթացքում պարզվեց, որ ԱՁ Հարություն Հովսեփյանը էրեբունու ՀՏ-ում սեփական դիմումի համաձայն հաշվառվել է 30.01.1997թ-ին: Նրա կողմից էրեբունու ՀՏ է ներկայացվել է ԱՁ-ի գրանցման վկայականի պատճենը և հարկ վճարողի հաշվառման համարի տրամադրման քարտը, որի մեջ պետական գրանցման համարն իր կողմից նշվել է 278.01381: Սակայն իրականում ԱՁ Հարություն Հովսեփյանի պետական գրանցման համարն է 278.01331: Էրեբունու ՀՏ-ում Ա/Ձ Հարություն Հովսեփյանի վերաբերյալ տվյալները հաշվառելիս պետական գրանցման համարը 278.01331 փոխարեն նշվել է 278.01381 և տրամադրվել է ՀՎՀՀ 22609356:

«Անհատ ձեռնարկատերերի համար եկամտահարկի և պարտադիր սոցիալական ապահովագրության վճարների արտոնություններ սահմանելու մասին» ՀՀ օրենքի պահանջները կատարելու նպատակով, պետական ռեգիստրի կողմից տրամադրված տեղեկատվությունում Ա/Ձ Հարություն Հովսեփյանի պետական գրանցման համարը նշվել է ճիշտ (278.01331), որի հետևանքով «Հարկատու 2» ծրագրով նրան տրամադրվել է նոր ՀՎՀՀ 23119829: Արդյունքում ստացվել է մի իրավիճակ, երբ Ա/Ձ Հարություն Հովսեփյանին տրամադրվել է երկու ՀՎՀՀ: Ա/Ձ Հարություն Հովսեփյանը, որի ՀՎՀՀ-ն է 23119829, 28.12.2006թ-ին օրենքի ուժով լուծարվել է: Սակայն Ա/Ձ Հարություն Հովսեփյանը, որի ՀՎՀՀ-ն է 22609356 «Հարկատու 3» ծրագրով մինչ օրս շարունակում է մնալ գործող կարգավիճակում:

Տվյալ դեպքում հաշվի առնելով այն հանգամանքը, որ ԱՁ Հարություն Հովսեփյանի գործունեությունը (պետական գրանցման համար 278.01331, ՀՎՀՀ 23119829), համաձայն ՀՀ ԱՆ իրավաբանական անձանց պետական ռեգիստրի գործակալության պետի 02.02.2012թ-ի թիվ 3-2/0170-12 տեղեկանքի 21.12.2006թ-ից դադարեցված է (լուծարված է), ինչպես նաև այն, որ և ՀՎՀՀ 23119829 և ՀՎՀՀ 22609356 տրամադրվել են միևնույն անձին, հետևապես Ա/Ձ Հարություն Հովսեփյանի (ՀՎՀՀ 23119829) գործունեությունը 28.12.2006թ-ից դադարեցվելու պայմաններում Ա/Ձ Հարություն Հովսեփյանի (ՀՎՀՀ 22609356) նկատմամբ պարտավորություններ չէին կարող հաշվարկվել, քանի որ ինչպես վերը նշվել է, խոսքը գնում է միևնույն անձի վերաբերյալ:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի, «Մաքսային ծառայության մասին» ՀՀ օրենքի 37-րդ հոդվածի պահանջներով Հանձնաժողովը

ո ր ո շ ու մ է՝

Անվավեր ճանաչել ՀՀ ՖՆ իրավաբանական վարչության պետի 22.02.2016թ-ի թիվ 507/02 որոշումը:

Հանձնաժողովի նախագահ՝



Վ.ՄԻՐՈՒՄՅԱՆ